捣藻堂四庫全書

音薈

要

史部

欽定四庫全書替要 通無紀事本末卷二十二上

詳校官員外部臣楊世綸



欽定四庫全書舊要卷八千七百三十五史部 公肇弟顯為澄城公三人同日受封魏主素未識諸舅 爵勃海公臨日敬以其嫡孫猛襲爵封后兄肇為平原 賜衣情引見皆惶懼失措數日之間富貴赫奕 · 與皇后配餐高祖增修舊家號終寧陵追賜后父殿 通鑑紀事本末卷二十二上 人各侯永元元年夏六月戊辰魏追尊皇妣高氏為 肇忠用事 通監犯事本末 宋 袁樞 撰

和帝中與元年魏主時年十六不能親決原務委之左 右於是俸臣站皓趙郡王仲與上谷冠猛 二年冬十一月魏主納高肇兄偃之女為貴嬪 奏於魏主奏坐沉廢累年 趙邕及外戚高華等始用事魏政寝衰 武帝天監元年冬十二月魏陳留公主寡居僕射高 泰 116 刺史張藝皆欲尚之公主許奏而不許肇肇怒 超郡趙修

三年魏冠軍将軍站皓以巧思有罷於帝常在左右傳

|幸於帝與皓相表裏賣權勢髙肇系出髙麗時望輕之 娶尚書令高肇從妹皓妻之妙為詳從父安定王變之 至少乃邀結朋援附之者旬月超擢不附者陷以大專 她詳烝於燮如由是與皓益相昵押 直問將軍劉胄本詳 忌諸王以詳位居其上欲去之獨 既點六輔謀成陽王禧專委事於肇肇以在朝親族 引薦殿中將軍常季賢以善養馬陳掃靜掌櫛皆得 執朝政乃踏之於

met do also .

通鑑紀事本末

可門下奏事弄權納賄朝野憚之北海王詳亦附馬皓

帝云詳與皓胄季賢掃静謀為逆亂夏四月帝夜召中 在亮入禁中使彈奏詳貪淫奢縱及皓等四人怙 妻隨入給小奴弱 與我物我實受之詰朝有司奏處皓等罪皆賜死帝 逃逸遣左右郭異開金墉門馳出諭吉示以中尉 鸣 口審如中尉 收皓等繫南臺遣虎賣百人圍守詳第又處詳 王雍等五王入議詳罪詳軍車防衛送華林 7.2 肵 糾何憂也正恐更有大罪横至 婢數人圍守甚嚴內外不通五

雌 竟寧元年石顯伏辜此其效也靈帝光和元年南宫寺 以為雞者小畜主司時起居人小臣執 侍中崔光光上表口漢元帝初元中丞 以禮殯葵先是典事史元顏 丁未朔下詔宥詳死免為庶人項之徒詳於太府寺 八子斯 雞 ·彌急母妻皆還南第五日一來視之詳暴卒詔有 一欲化為雄但頭冠未變韶以問議郎祭邕對曰頭 化為 雄冠距 将鳴永光中有 獻 왩 雛 獻 四異四足詔 雄 事為政之家也 相 雞生角劉 府史家唯 ソ 問

とり事

A 440 1

通鑑紀事本末

為元首人君之象也今雞一身已變未至於頭而上 以向岂言推之異足衆多亦羣下相扇 足羽差小亦其勢尚微易制御 頭冠或成為患滋大是後黃巾破壞四方天下遂 今之雞狀雖與漢不同而其應頗 以致禍或者今亦有自賤而貴關預政事如前世 以示吉凶明君 有其事而不遂成之象也若應之不精政無 **都之而懼乃能致福** 也臣闻災異之見皆 相 助之象 閣主觀之而慢 類誠可畏也臣

七年春三月戊子魏皇子昌卒侍御師王顯失於療治 酟 事 六年高貴嬪有寵而妬高華勢傾中外后暴疾而殂 五年 **賣守諸王第殆** 皓等伏誅帝愈重光高肇說帝使宿衛隊主即 谷高氏宫禁事秘莫能詳 魏主委任高肇疎簿宗室好桑門之法不親政 同 幽禁彭城王點切諫 不 膔 羽林虎

2

> 45 -

通鑑紀事本末

顯

之比者邪願陛下進賢點佞則妖拜廣集矣後數日

嬪 時人皆以為承高聲之意也 鉑 太常劉芳議權量事肇主芳議匡遂與肇喧競表肇指 鱮 下之唯度支尚書元匡與肇抗衛先自造棺置聽事欲 定 為馬御史中尉王顯奏彈匡誣毀宰相有司處匡死 為皇后尚書令高肇益貴重用事聲多變更先朝 棺 四月在12 削 恕死降為光禄大夫 關論摩罪惡自殺以切諫摩聞而惡之會匡與 抑點熟人由是怨聲盈路羣臣宗室旨里 装二 祁刀 Ŀ 秋七月甲午魏立高貴 魏主為京兆王偷

隃 王懌密疏云髙肇弑逆遂為擅於信都之南即皇帝位 入宫極之偷 不勝忍癸亥殺長史羊靈引司 之妹為如偷不爱爱妄李氏生子寶月于后召李 改 偷 潛 懷 元建平立李氏為皇后法曹參軍崔 五十出為冀州 偲 恨又身與妾屢被 驕奢貪縱 刺史 所為多不法帝召愉入禁中 偷偷 頻辱高肇數 白 馬李 以年長而勢位不及 遵 詐 譖 伯 稱 驥 得清 愉 不

钦

定

19

車

全書 ~

通鑑紀事本末

魏

朝

有變定州刺史安樂王

珍言之帝以問 擢 通 討 具 太守京兆王愉之及脅僧固與之同肇因 之立也彭城武宣王賜 構成其事肇令侍中元 南 以状告之州鎮乃安乙丑魏以尚書李平為都督 軍行冀州事以討 招 於魏主魏主不之信點為其舅潘 蠻賊彭城 暉 郎中令魏 暉 明 愉 固 思易 諫 平崇之從父弟也 暉 然又以問肇肇引 偃前防閣島 魏 主不 閗 暉 聽高肇由是怨之 不 從又令左衛 誣 袓 僧固為長 珍布擎 脇 魏髙 JE. 镇 偷 启 樂

度 元 祖珍為證帝乃信之戊戌召賜及萬陽王雍廣陽王嘉 無 赴中使 珍 挽 橋 31 王懌廣平王懷高肇俱入宴 武士齊毒 牛不肯進擊之良久更有使者責賜來遲乃去 珍曰至尊何可復見點曰至尊聖明不應無 而進宴於禁中至夜皆醉各 相 繼召之不得已與妃訣而登車入東板 酒 而至赐曰吾 賜如李氏方產固 無 罪 就 别 願一見至尊死 所消息俄

定四庫全書

į

我乞與告者一對

曲直武士以刀鐸築之賜大言

宽哉皇天忠而見殺武士又築之賜乃飲毒酒武士就 氟 等遣統軍叔孫頭追執偷置信都以開羣臣請誅偷 之益甚京兆王愉不能守信 哀於東堂贈官葬禮皆優厚加等在朝貴賤莫不喪 失言曰高峰枉理殺人天道有靈汝安得良死魏主 之向晨以褥裏尸載歸其第云王因醉而费李妃號 百餘騎突走李平入信都 路士女皆流涕曰高令公枉殺賢王由是中外 都癸卯燒門攜李氏及四 斬 愉 所置其州牧幸起

效乃其常節何敢求賞植肇之子也加李平散騎常 宜為表陳平從之皆得免死韻祐之孫也濟州刺史高 令崔光諫曰李氏方姓 使 殺之録事參軍高颢曰此皆齊從前既許之原免矣 人殺之諸子至洛魏主皆赦之魏主將屠李氏中書 州軍擊偷有功當封植不受曰家荷重恩為國 俟產畢然後 人行口 刑從之季平 刑至刳胎乃禁約 捕 偷餘黨千餘人 所為 酷 而

弗許命鎖送洛陽中以家人之訓 行至野王高陸

钦

定四車全書 题

通監紀事本未

奏除平名 徒清河王懌為司空廣平王懷進號縣騎大将軍加 一年春正月丙辰魏以車騎大将軍尚書令馬聲為

高肇及中尉王顯素惡平顯彈平在冀州隱截官口肇

乃處歸嘆曰吾平生自謂不失規矩今日舉指不如封

業及華為司徒綽送迎往來軌竟不指華經個不見軌

見者嗤之尚書右丞髙綽國子博士封軌素以方直自

同三司肇雖登三司猶自以去要任快快形於言色

三百 曲 分宜防微杜漸不可瀆也减膳録囚乃陛下之事令司 朝之樂盡昔王莽頭禿籍渭陽之資遂篡漢室今君 望懲彭城之禍因侍宴謂肇曰天子兄弟詎有幾人 生遠矣綽允之孫軌懿之族孫也清河王懌有才學聞 於魏主曰昔季氏旅於泰山孔子疾之誠以君臣 亦恐終成亂階會大旱肇擅錄囚徒欲以收衆心懌 亂之基於此在其帝笑而不應 行之豈人臣之義乎明君失之於上姦臣竊之於 通鑑犯事本末 身

恐不為澄等所容與中常侍孫伏連等密謀寢門下 及世宗殂肇擁 下議以肅宗幼未能親政宜使太保高陽王雅入居西 堂省决庶政以任城王澄為尚書令總攝百揆奏皇 忌宗室有時望者太子太保 四年春正月魏世宗殂太子訥 自全乃終日酣飲所為 敕授王顯素有寵於世宗恃勢使威為世所疾 兵於外朝野不安領 如 狂 任 城王澄數為肇所 朝廷機要無所 即 軍将軍于忠與 位先是高肇擅

定匹庫全書

告哀於高肇且召之還肇承變憂懼朝夕哭泣至于贏 奏橋皇后令以高肇録尚書事以顯與勃海公高猛 升太極殿盡哀高陽王雍與于忠密謀伏直寝形 宿而死庚申下詔 歸至纒澗家人迎之不與相見辛已至闕下衰服 传中于忠等間之託以侍療無效執顯於禁中下詔 外悅服二月庚辰尊皇后為皇太后魏王稱名為書 任 顧臨執呼冤直問以刀録撞其板下送右衛府 如門下所奏百官總已聽於二王

通過記事本末

寫言目之肇入省豹等益殺之下詔暴其罪惡稱肇自 等十餘人於舎人省下肇哭畢引入西應清河諸王皆 廷處之不髙意常快快表請解官隱萬山世宗不許 權 定四庫全書 須我每入參議論好面談毀羣官又表征南将軍田 自餘親黨悉無所問削除職爵葵以士禮逮昏於厠 之及為尚書志氣驕滿每謂人曰非我須尚書尚書 出户歸其家 傾一時 魏尚書裴植自謂人門不後王肅以朝 魏于忠既居門下又總宿衛遂專朝

曲 益宗言華夷異類不應在百世衣冠之上于忠元昭見 欲 王雅 征西 切齒尚書左僕射郭祚冒進不已自以東宫師 尚書望封侯儀同詔以祚為都督雍岐華三州諸軍 告植 圖于忠臣等窮治解不伏引然衆證 雖不見植皆言仲達為植所使植召仲達責 使出之忠聞之大怒令有司証奏其罪尚書奏 将軍雅州刺史祚與植皆惡于忠事横密勸 姑子皇甫仲達云受植古許 稱 被 明 韶師合部 柄準律當

9 4 25

欽 獄 有 定四庫全書 有 不告列 依律上議乞賜裁處忠橋詔曰凶謀既爾罪不當恕 尚書令特進加儀同三司 又欲殺高陽王雍崔光固執不從乃免雍官以王還 所降減計同仲達處植死刑 野寬情莫不切齒 歸化之誠無容上議亦不須待秋分八月已亥植 **祚及都水使者杜陵韋馬皆賜死傷祚之昏家也** 推論情状不同之理不可分明不得同之常 庚寅魏以車騎大将軍于忠 植視即城泉附從王 郭祚等死詔令生殺

自

如咸曰一 皆出于忠王公畏之重足脅息太后既親政乃解 后引門下侍官於崇訓官問曰忠在端右聲望 又自謂 中領軍崇訓衛尉止為 其優轉太傅雍等皆不敢違加忠車騎大 北大将軍冀州刺史 不 新故之際有定社稷之功 稱既任乃出忠為都督其定瀛三州諸軍 展同三司尚書令後 初魏于忠用事自言世 諷百僚. 将 句

賣雍等議封忠常山郡公忠又難

於

獨受乃諷

朝

欽 皆追奪崔光亦奉還章綬芳土表十餘上太后從 成權苟免暴戾故也若以功過相除悉不應赏請常職不容以此為功臣等前議授忠茅土正以畏 定四庫全書 傅懌等上言先帝升遐奉迎乘與侍衛省問乃 陽王雍上表自劾稱臣初入柏堂見詔旨之行一由 縣公而尚書元昭等上訴不已太后較公卿再議 下臣出君行深知不可而不能禁于忠專權生殺自 門下者皆加封邑雍等不得已復封在光為博 臣

令 外 朝 伕 領 五年春二月魏中尉元匡奏彈于忠幸國大災專擅 在心未行及為忠廢忝官尸禄 命 崇 顯 司 装 戮請遣御史一人就 敗 訓 郭受冤宰輔 術 太后以忠有保護之功不問 尉原其此意欲以無上自處既事在恩後 **熙辱又自嬌古為儀同三司尚書** 44 行决自去成世宗妥為 派 **育恩私請返私** 其 罪

而臣不能違忠規欲殺臣賴在事執拒臣欲出忠於

後皇太后未親覽以前諸

不由

階

級或發門下詔書

通錫紀事本木

裴叔紫鎮壽陽為南旗太守與叔業有像單騎舞魏 或由中書宣敕擅相拜授者已經恩宥正可免罪並宜 十七年春三月辛未魏靈壽武敬公于忠卒 追奪太后令回忠已蒙特原無宜追罪餘如奏 夏四 梁武帝天监四年 封忠為靈壽縣公 魏胡太后追思于忠之功曰豈宜以一謬棄其餘煎 戀冠巴西 初熊國夏侯道遷以輔國将軍從

道遷為長史領漢中太守黑卒詔以都官尚書王珍國 卒道遷棄成來再從梁秦二州刺史在工具鎮南鄭 以道遷為驍騎将軍從王肅鎮壽陽使道遷守合肥肅 左右具公之等使南鄭道遷遂殺使者發兵擊靈珍父 假武都王助戊漢中有部曲六百餘人道遷憚之上遣 刺史未至道遷陰與軍主考城江忱之等謀降魏先 仇池鎮将楊靈珍叛魏来犇朝廷以為征虜将軍

子斬之并使者首送於魏白馬戌主尹天寶聞之引兵

通鑑紀事本末

東 足 日 車 公 号 TT

擊道遷敗其將雕樹遂圍南鄭道遷求救於氏王楊紹 擊天實殺之魏以道遷為平南将軍豫州刺史豐縣侯 角據石亭 您遣統軍李義珍擊走之魏以懿為梁泰二 赴之道遷受平南解豫州且求公爵魏主不許)楊集義楊集起皆不應集義弟集朗獨引兵救道遷 刺史巴西太守靡景民據郡不下郡民嚴玄思聚衆 以尚書那戀為鎮西将軍都督征梁漢諸軍事将兵 魏邢戀至漢中擊諸城戊所向推破晉壽太守王景 春二

表ニナニ上

進擊破之梁州十四郡地東西七百里南北千里皆入 克漢中而懼閏月帥羣戊叛魏斷漢中糧道戀屢遣軍 方達戊南安任僧褒等戊石同以拒魏邢戀遣統軍王 擊破之夏四月冠軍将軍孔陵等将兵二萬戊深坑魯 足将兵擊之所至皆捷遂入劔閣陵等退保梓潼足又 衛将軍以西昌侯 魏初益州刺史當陽侯鄧元起以母老乞歸詔徵為 淵藻代之淵藻懿之子也夏侯道

自

稱巴州刺史附於魏攻景民斬之楊集起集義闻

欽定四庫全書 丁

藥志因醉殺之元起麾下圍城哭且問故淵藻曰天子 遷之叛也尹天寶馳使報元起及魏冠晉壽王景将等 陷蕭淵藻将至元起營還装糧儲器械取之無遺淵藻 匆 至若冠賊浸淫方須撲討董督之任非我而誰何事勿 入城恨之又求其良馬元起曰年少郎子何用馬為淵 並遣告急衆勸元起急救之元起曰朝廷萬里軍不猝 有詔衆乃散遂誣以反上疑馬元起故吏廣漢羅研詩 救之詔假元起都督征討諸軍事救漢中而晉壽已

雠 永 定四庫全書 側乃乘平肩與巡行賊壘賊方亂射矢下如雨從 不亦宜乎 訟之上口果如我所量也使讓淵藻口元起為汝 元 為 弱 梁之政刑於斯為失私戚之端自 附 起 冠集僚 功 雠 帷 征西将軍益口忠侯 報 闢土勞之不 飾忠孝之道如 益州民焦僧護聚聚數萬作亂蕭淵 佐議自擊之或陳不可淵藻大怒斬 圖 禍機先陷冠軍之敗於罰 何乃貶淵藻號為冠軍 李延壽論曰元起 斯 而啟年之不 于

欽

以為建康成都相去萬里陸行既絕惟資水路水軍西 偷等又與祖遷戰敗景衛等二十四将皆死 冬十一 非周年不達益州外無軍援一可圖也項經劉季連 自上名籍者五萬餘户那戀表於魏主請乘勝取蜀 魏王足圍涪城蜀人震恐益州城戍降魏者什二三 紀洪 秋八月庚戌秦梁二州刺史魯方達與魏王足統 禦矢淵藻命去之由是人心大安擊僧該等皆平 雅盧祖遷戰敗方達等十五将皆死去子王景

骨肉至親必無死理若克涪城淵藻安肯城中坐而受 少将望風逃去若其出關庸蜀士卒駕怯弓夫寡弱 所任皆左右少年三可圖也蜀之所恃唯在 節元起攻圍資儲空竭吏民無復固守之志二可圖 克南安已奪其險據彼境內三分已一自南安向治 無礙前軍累敗後果喪魄四可圖也淵藻是蕭 淵藻虞屐少年未治治務宿昔名将多見囚戮今 劍 图

五可圖也臣內省文吏不習軍旅賴将士竭力頻

通鑑紀事本木

定日東全忠 一

希平蜀所以敢者正以據得要除士民慕義此往 **匱未宜前出今若不取後圖** 欲保境寧民則臣居此無事乞歸侍養魏主詔以平 既克重阻民心懷 之舉當更聽後敢冠難未夷何得以養親為辭戀又 苦鄧艾鍾會師十八萬衆傾中國資儲僅能平蜀 比壽春義陽其利三倍朝廷若欲進取時不可失 者關實力也况臣才非古人何宜以二萬之衆 服膽望陪益旦夕可居正以兵少 便 難 况益 州殷實户口

鬢髮中白日夜戰懼何可為心所以勉强者既得此 而 可惜矣臣誠知戰伐危事未易可為自軍度級閣以來 自退不守恐員陛下之爵禄故也且臣之意箕正 尺户 取涪城以漸而進若得涪城則中分益州之地斷水 則益州乃成擒之物但得之有早晚耳且梓潼已 彼外無援軍孤城自守何能復持久哉臣令欲 數萬朝廷豈可不守又國問天險得而棄之良

彼来則難任力而行理有可克今王足已逼涪城脫

巴日車

45.

通鑑犯事本末

克城以來仍使行事巴西廣袤千里户餘四萬若於彼 迢遄恒多擾 軍軍相次聲勢連接先為萬全之計然後圖功得之 多生異圖比道遷建義之始嚴玄思自號巴州刺史 静夷徐梁州籍利因而表罷彼上民望嚴滿何楊 大利不得則自全又巴西南鄭 以去州既遠不獲仕進至於州 族 雖 率居山谷而豪右甚多文學風流亦為不少 (動告在 南之日以其統館勢難曾立巴州 相相 緇 無由厕迹是以鬱 距千四百里去州

1. 欴 能定蜀久之足自魏來犇那 定日車全書 民以惠州人悦之戀之克巴西也使軍主李仲還守 切齒仲遷 山羊祉為益州刺史王足聞之不 遷溺於 太守張齊将兵放益州未至魏主更以梁州軍司)懼謀叛城人斬其首以城來 酒 V 色費散兵儲公事諮 通鑑紀事本末 戀在 梁州接豪右以禮 悦 承無能見者戀 輙 引兵還遂

凾

有

魏主不從先是魏王以王足行益州刺史上遣

鎮

攝

華缭

則大帖民情從墊江已還不勞征伐

梁武帝天監十二年夏五月壽陽久雨大水入城廬舎 年春正月楊集義圍魏關城形戀使建武将軍傅豎 先送洛陽楊集起楊集義亡走遂滅其國以為武興 討之集義逆戰擊破之乘勝逐北去申克武興執 附於女牆城不沒者二板将佐勘崇棄壽陽保北 又改為東益州 魏争准 揚州刺史李崇勒兵泊於城上水增未已乃乘 堰 楊集起兄弟相率降

崇在帳然驚恨報曰比因大水 動 數 一崇曰吾忝守藩岳德薄致災淮南萬里繫于吾身一 必 王尊但憐 與別 與 聞 千家汎舟南走避水高原謂 足百姓瓦解 ٤È 紿 駕鄭 城俱 叛 未測虚實造國侍郎韓方與軍 此士民無辜同死可結後隨高人規自 沒幸 祖起等送任子來請 楊州之地恐非 諸 君勿言 楊 颠 崇還北 14 國 狽 降 治中裴 物吾豈愛一身取 馬仙 為 泉所 因 理遣兵赴 自 約 舸 稱 推 帥 召 令大 豫 ~ 緔 脱. Jr] 南 刺 腮

斻

定回車到

5

Ų

通怨紀事本末

崇 略得士眾心在壽春 拔其營約走為村民所執還至尉升湖曰吾何 阚 士崇遣從弟寧朔 公乎乃投 上表以水災末 勢不可追恐民非公民吏非公吏願公早行無犯 敵 謂之卧虎上屢 水死約叔業之兄孫也鄭 解 十年常養壮 将軍神等将水軍討之約 11/ 任 及設反間 魏主不 士數千人冠來無 許 崇沈深寬厚有 疑之又授崇車 祖起等皆伏 戰 面見 贬 神

一将軍開府儀同三司萬户郡公諸子皆為縣侯而

ニナア 以為 素知其忠為委信 四年 軍事并護堰 内 三年冬十月魏降人王足陳計求堰 沙 然使 抵巉 取 春三月魏 漂輕不堅實功 五丁以築之假 八水工陳日 石 作於鍾 依岸築土合春於中 左 一僕射 不疑 承伯材官将 離 太子右 役 不可就上弗 郭 人及戰 作表 衛 軍祖 稱 率康 蕭 流 士合二十萬 聽 腫 淮 行狂悖謀 水以灌毒 發 視 絢 徐 地 都 楊民率 督 形; 咸

8

更監犯事本未

城募緣淮之民以實城內將軍田道龍等散攻諸戍魏 遊擊将軍趙祖悦襲魏西陝石據之以逼壽陽更棄其 皆穿夏日疾疫死者相枕蠅蟲晝夜聲合 潰或言蛟龍能乘風雨破堰其性惡鐵乃運東西冶鐵 土其上緣准百里內木石無巨細皆盡負擔者肩上 數千萬斤沈之亦不能合乃伐樹為井幹填以巨石 軍楊大眼督諸軍鎮荆山 役苦民勞危亡已兆宜命将出師長驅撲討魏詔平南 夏四月浮山堰成而復 秋九月左

鉑

定匹庫全書

李平為使持節鎮軍大将軍無尚書右僕射将步騎 進崇屢違期不至胡太后以諸将不壹乃以吏部尚書 亮進圍之 是冬寒甚淮泗盡凍浮山堰士卒死者什 二月已酉魏雀亮至硤石趙祖悦逆戰而敗閉城自守 崔亮攻西陝石又遣鎮東将軍蕭寶寅决淮堰 五年春正月魏崔亮攻破石未下與李崇約水陸並

州刺史李崇分遣諸府拒之癸亥魏遣假鎮南将

巴马斯人野

通鑑犯事本末

主

|義之與直閣王神念亦准敢破石崔亮遣将軍博陵崔 亮等刻日水陸進攻無敢乖互戰屢有功上使左衛 十赴壽陽別為行臺節度諸軍如有乖異以軍法從事 已又敗将軍垣孟孫等於淮北李平至破石督李崇崔 去輞 伯守下蔡延伯與别将伊甕生夾准為管延伯取車 昌義之将兵救浮山未至康絢已擊魏兵却之上使 寶寅遣輕車将軍劉智文等渡淮攻破三壘二月乙 削 銳其輻两兩接對揉竹為經貫連相屬並十

之盡俘其衆胡太后賜崔亮書使乘勝深入平部分諸 進李平部分水陸攻陝石克其外城乙丑祖悦出降 有 補過魏師遂還 趙祖 平奏處亮死刑太后今曰亮去智自擅違我經略雖 水陸並進攻浮山堰亮違平節度以疾請還隨表 小捷豈免大各但吾攝御萬機庶幾惡殺可持聽 悦走路又令戰艦不通義之神念也梁城不得 三月魏論西陝石之功辛未以李 通鑑紀事本木

道横水為橋兩頭施大鹿盧出沒隨意不可燒所

尚書 演天所以節宣其氣不可久塞若鑿發東注則 崇為驃騎将軍加儀同三司李平為尚書右僕射在亮 一 並 定 匹 庫 全 書 緩堰得不壞絢乃開發東注又縱反問於魏曰梁人 進號鎮北将軍亮與平争功於禁中太后以亮為殿中 文萬二十大樹以杞柳軍壘列居其上或謂康絢曰四 其國廟及室家諸從還北實寅表上其書於魏 四月淮堰成長九里下廣一百四十丈上廣四十五 魏蕭實寅在淮堰上為手書誘之使襲彭城許 卷二十二上 朝

俄 言謂已必掌其事既而康絢以他官來監作豹子甚慙 舎家墓了然在下初堰起於徐州境內刺史張豹子宣 百里李崇作浮橋於陝石成問又築魏昌城於八公山 東南以備壽陽城壞居民散就岡壟其水清澈俯視廬 猶以事畢徵絢運 秋八月康絢既還張豹子不復 而教豹子受約節度豹子逐踏約與魏交通上雖不

面些记事本长

水日夜分流猶不減魏軍竟罷歸水之所及夾淮方數

開發不畏野戰蕭實寅信之鑿山深五大開發北注

修准堰九月丁丑准水暴漲堰壞其聲如雷聞三百里 出徐州来攻堰尚書右僕射李平以為不假兵力終當 梁武帝天監九年春三月两戊魏皇子朗生大赦朗 白壞及聞破太后大喜賞平甚厚澄遂不行 任 胡充華臨涇人父國珍襲武始伯充華初選入掖庭同 城王澄為上将軍大都督南討諸軍事勒衆十萬将 准城戌村落十餘萬口皆漂入海初魏人患淮堰以 元义幽后 母

定四庫全書

卷二十二上

第當長男生身死所不憾也既而生訊先是魏主頻 十二年秋八月魏主幸東宮以中書監崔光為太子 别宫皇后充華皆不得近 皇子年漸長深加慎護擇良家宜子者以為乳保養於 有娘同列勸去之充華不可私自誓曰若幸而生男次 之志異於諸人奈何畏一身之死而使國家無嗣乎及 以故事祝之曰願生諸王公主勿生太子充華曰妾 一年冬十月乙亥魏立皇子詡為太子始不殺其

1. 1. 1

通温犯事本末

二十四

子欽 傅 十四年春正月甲寅魏主有疾丁已殂於式乾殿侍中 定四 庫 全 建 二十二十二上

書監太子少傅崔光侍中領軍将軍于忠詹事王顯 庶子代人侯剛迎太子詞於東宫即皇帝位高后欲 剛以告于忠忠

胡貴嬪中給事熊郡劉騰以告侯剛

計於崔光光使置貴嬪於别所嚴加守衛由是貴妃

嬪為皇太妃三月甲辰朔以髙太后為尼徒居金墉城 四人 二月庚辰尊皇后為皇太后已亥尊胡

瑶 太 自 奏 妑 僕 启 為 通 光寺 皇太后 聰 直 禄 皇 加侍 加 散騎侍 工太后臨 非大節慶不得入宫 胡 悟 大夫 中 國珍侍中 頗 居崇訓宫于忠領崇 好讀書屬文 侯 魏 剛 朝 郎 江陽王 為 义妻為 稱 待中 封安定公 制 九 繼之子义娶 撫軍 射能中 斩 月乙未靈 平 秋八月丙子魏尊胡 将 郡 針 君 軍又以太 訓 仍 · 街 一太后 孔政事皆出手 胡 拜 尉 始 女侍中 劉 太后妹以 后父國 騰為崇 脇 朝 胨 椲 疹 政 义 訓

į

€ 9

Ì,

2

5

通鑑紀事本末

二十五

遊幸則率土屬賴含生仰悅矣 有歸寧沒則使卿寧漢上官皇后将發昌邑霍光外祖 為龍不言王后夫人明無適臣家之義夫人父母在 親為宰輔后猶御武帳以接羣臣示男女之別也今 表諫曰禮諸侯非問疾吊喪而入諸臣之家謂之君 五年秋九月魏 族方行熱貴增遷祗請遂多将成處式願陛下簡息 四月百三 胡太后數幸宗戚熟貴之家侍中在

十七年秋七月

魏官者劉騰手不解書而多<u>姦</u>講

遂干預政事納賂為人求官無不效者河間王琛簡 在 之言於太后得魚 用遂廢于家琛乃求為騰養息路騰金寶巨萬計騰 人意胡太后以其保護之功累遷至侍中右光禄大 后 定州唯不将中山宫来自餘 也為定州刺史以貪縱著名及罷州還太后詔曰 同三司 欲 及其生而貴之九月及未朔以騰為衛将軍加 都官尚書出為秦州刺史會騰疾篤 無所不致 何可更復叙 琛

J. 4.5

Ā

鑑紀事本末

二十二

善通元年魏太傅侍中清河文獻王懌美風儀胡太后 之子也懌薦為通直郎浮薄無行义許維以富貴使告 人資乖越擇抑而不奏騰亦怨之龍룛府長史宋維弁 人時望甚重侍中領軍将軍元义在門下無總禁兵恃 鉑 而幸之然素有才能輔政多所匡益好文學禮 定匹庫全意 同三司劉騰 騎恣志欲無極懌每裁之以法义由是怨之衛将軍 尉韓文殊父子謀作亂立懌懌坐禁止案驗 權 偱 内外吏部希騰意奏用騰弟為 敬士

與劉騰密謀使主食中黃門胡定自列云懌貸定使毒 者人真敢告乃點維為昌平郡守义恐懌終為已害乃 命宗士及直齊執擇衣袂将入含章東省使人防守之 不聽懌入懌曰汝欲反耶义曰义不反正欲縛反者 魏主若已得為帝許定以富貴帝時年十一信之秋七 反状得釋維當反坐义言於太后曰今誅維後有真 永巷門太后不得出懌入遇义於含章殿後义属聲 **丙子太后在嘉福殿未御前殿义奉帝御** 顧陽殿

通鑑犯事本末

幸

騰 鉑 射 定 有 議入奏 疾還 后 師 外 泰文貞公游摩抗言以為 詔集公卿議論 八中常侍 髙 服 斷 膳 絶 政 陽王雍等同輔 於帝 俄 俱廢不免 騰 自執管籥帝亦不得 而得可夜中殺懌於是 酒 幽太后 泉賈榮侍帝書密令防察動 懌大逆衆咸畏义無敢 飢寒乃數曰養虎得噬我之 於北宫宣光 政帝 不可終不下署义 謂义為姨父义與勝 首見裁聽傳食 詐 殿宫門晝夜 為 異者唯 太后 止义遂 騰 詔 自

略 <u></u>ትት 月甲寅元义遣尚書左丞盧同就 城人鼓課 刺史中山文莊王熙英之子也與第給事黃門侍 氣胡夷為之務面者數百人游聲情邑而卒 ,擅權义為外禦騰為內防常直禁省共裁刑賞政 細决於二人威振內外百僚匿跡朝 徒祭酒纂皆為清河王懌所厚聞懌死起兵於郭 **誅元义劉騰篡亡犇郭後十日長史柳元章等** 而入殺其左右執熙纂并諸子置於高 通腦犯事本末 斬熙於郭街并其 野聞懌死無不 魏

哉凡百君子各敬爾儀為國為身善弱名節 熙首至洛陽親故莫敢視前驍騎将軍刀整獨收其 言色恩同慈母今皇太后見廢北宮太傅清河王横受 子弟熈好文學有風義名士多與之遊将死與故知書 曰吾與弟並蒙皇太后知遇兄據大州弟則入侍慇煦 **欲建大義於天下但智力短淺旋見囚執上慙朝** 酷主上幼年獨在前殿君親如此無以自安故師兵 知本以名義干心不得不爾流腸碎首復何言 闻

憚之見于顏色康生亦微懼不安甲午魏主朝太后于 迭出以難當為千牛備身康生性粗武言氣高下义 西林園文武侍坐酒酣选舞康生乃為力士舞及折 康生子難當娶侍中左衛将軍侯剛女剛子义之妹夫 其謀义以康生為無軍大将軍河南尹仍使之領左 也义以康生通姻深相委託三人率多俱宿禁中時 二年 魏元义劉騰之幽胡太后也右衛將軍奚康生

通腦犯事本末

后 口至尊已朝記 之際每顧視太后舉手蹈足順目 其意而不敢言日暮太后欲攜帝宿宣光殿 檳榔 在南何必留宿康生曰至尊陛下 颔首為執殺之勢太 侯 岡门

相 之兒隨陛下将東西更復訪誰屋臣莫敢應太后自 帝臂下堂而去康生大呼唱萬歲帝前入問 問不得閉康生奪難當十十刀斫直後元思輔 左右

得定帝既升宣光殿左右侍臣俱立西陷下康生乘

勢将出處分為义所執鎖於門下光禄熟實聚給太后

白我 即 事處康生斬 生如 不出令侍中黄門 侍官懷恐不安陛下宜親安慰太后信之適下殿 扶 食典御奚混與康生同執刀入內亦坐絞難當以 帝出東序前 不反死汝何哭也時已昏間 奏 難 當 恕死 刑 難當 御 僕 從 縟 流 統刑义與剛 陽殿還閉太后於宣光殿至 射尚書等十餘人就 難當哭解父康生慷 有司 並 驅 在 康生 内橋 康生所 赴 慨 詔 不悲

肾得留百餘日竟

流安州久之义使行臺盧同

j.

通鑑紀事本末

义亦自寬時出遊於外留連不返其所親諫义不納 少舟車之利山澤之饒所在權酤刻薄六鎮交通互市 殺之以劉騰為司空八坐九卿常旦造騰宅參其顏色 餘人衰經送葵者以百數朝貴送葵者塞路滿野 年春三月魏司空劉騰卒宦官為騰義息重服者四 後赴省府亦有歷日不能見者公私屬請唯視貨多 入利息以巨萬萬計通奪鄰舎以廣其居遠近苦之 初魏劉騰既卒胡太后及魏主左右防衛微緩元

殊不以為疑乃勸帝 后察知之至秋太后對帝謂犀臣曰今隔絕我母子不 愈属帝乃宿於嘉 因 一欲自下髮帝及羣臣叩頭泣涕殷勤苦請太后聲色 又對义流涕叙太后欲出家憂怖之心日有 深匿形跡 往來復何用我為我當出家修道於萬山間 太后有忿惠欲得往來顯陽之言皆以 福 殿積 從太后所欲於是太后數 數日遂與太后密課 數 熙义 居寺耳 四义

三日 四日 公日日

二官無復禁礙义舉元濟僧為徐州法僧反太后數

通鑑心事本末

太 為言义深愧悔 后至雅內室從者皆不得入遂相與定圖义之計 猶豫未决侍中穆紹勸太后速去之紹亮之子也 之會太后與帝遊洛水雅邀二宫幸其第日晏帝 兵權猶 軍開 餘官輔政义甚懼 后 謂 义曰元郎 府儀同三司尚書令侍中 總總 任內外殊不自意有廢點之理 丞 若忠於朝 相 免冠求解 高陽王雅 廷無反心 雖位 領 領 軍乃以义為縣 居义上而深畏 左 何故不 右 胡 魏 去 太 元 启 領

擾開逆之端起於宋維成禍之末良由劉騰宜泉首冷 等曰告趙高柄秦令關東鼎沸今元义專魏使四方雲 出宿 河 國郎中令韓子熙上書為清 后 帝曰义非獨 有罷於魏主宦官張景嵩說之云义欲害嬪嬪泣 復 解义侍中明旦义将入宫門 踮 朝 攝 政下詔追削劉 一般我妄又将不利於陛下帝信之因 ,騰官爵除义名為民 河王釋公冤乞誅元义 者不納 夏四月车 訴

沈族以明其罪太后命發劉騰之墓露散其

3

面品电事本大

籍沒家貴盡殺其養子以子熙為中書舎人子熙麒 之孫也义之解領軍也太后以义黨與尚疆未可猝 之籍沒其家唯义以妹夫未忍行誅先是給事黃門 加儀同三司未至熙為征屬将軍卒於家太后欲殺賈 以侯剛代义為領軍以安其意尋出剛為冀州刺史 侍坐於太后义妻在太后側 以义黨多恐驚動內外乃出粲為濟州刺史尋追殺 順以剛直忤义意出為齊州刺史太后徵還為侍 順指之曰陛下奈何

欽定四庫全書

告邀朕求鐵券真得不死朕頼不與韓子熙曰事關生 然未幾有告义及弟瓜謀誘六鎮降户反於定州又招 殺並繁鐵券且陛下告雖不與何 及弟瓜死於家猶贈义驃騎大将軍儀同三司尚書令 陽諸蠻侵擾 之羣臣固 轨 一伊闕欲為内應得其手書太后猶未忍 不已魏主亦以為言太后乃從之賜 通鑑紀事本末 解今日不殺太后嘿

All Divide to Allia

妹之故不正元义之罪使天下不得伸其冤情太后

然順澄之子也它日太后從容謂侍臣曰劉騰元义

口千里 陽 后 未亡人首去珠玉衣不文米陛下母臨天下年垂不 職事縱即方進用何宜相 飾 頗事粧 王繼廢於家病卒前幽州刺史虚同坐义黨除 配臣之一言手 而 相 過甚何以儀刑後世太后慙而還官召順責之 **微宣欲聚中見辱邪** 起正色讓 飾 數出遊幸元順 順 順回身二十年侍中與即先君 與移紹同直順因醉入其寢所 排突也遂謝事還家詔 面諫曰禮婦人夫沒 順曰陛下不畏天下之 自

梁武帝 普通四年夏四月甲 申魏遣尚書令李崇擊 八鎮之叛

牙中年以来有司號為府户役同厮養官婚班齒致 地廣人稀或微發中原疆宗子弟或國之肺 阿那環崇長史鉅鹿魏蘭 根說崇曰告緣邊初置諸 腑 寄

改鎮立州分置郡 たとり Þ Z 210 縣凡是府户悉免為民入仕次叙 通緣犯事本木

=+0

清流而本来族類

各居榮顯

顧瞻彼此理當憤怨宜

常入直於魏主所居 之處矣崇為之奏聞事寢不報 而 施 人禁中恒令勇士持 其舊文武無用威恩並施此計若行國家庶無北顧 已其始 木 欄 網壞亂父京兆王繼尤貪縱與其妻子各受 懐 楯 執 使腹心防守以備竊發士民求見者選 政之時矯情 得志遂自驕 殿 侧曲盡佞 共以自先後時出休於千秋門 復嗜酒好色貪吝實的 自 飾 初元义既 以議勤 媚帝由是寵信之义 接 幽 物 時事 胡

收守令長率皆貪污之人由是百姓困窮人人思亂武 王諸鎮華夷之民往往響應拔陵引兵南侵遣别師 之未幾沃野鎮民破六韓拔陵聚泉反殺鎮将改元真 然入冠鎮民請糧景不肯給鎮民不勝忽遂反執景殺 衛将軍于景忠之弟也謀廢义义點為懷荒鎮将及柔 可孤圍武川鎮又攻懷朔鎮尖山賀拔度拔及其三子名勝 皆有材勇懷朔鎮将楊釣雅度拔為統軍三子為軍

钦包日東公告

通錯紀事本末

賂遺請屬有司莫敢違者乃至郡縣小吏亦不得公選

年 春三月 拒 魏以臨 准王或都督 北計 諸 軍事討破六

走 髙 陵夏四月高平鎮 衛可狐攻懷 平王攻高平 鎮 朔 鎮 以應 民赫 **妖經年外** 拔陵 連恩等反推 援 魏 将 不至楊釣使買 虚 敕 祖遷輕破之 、勒酋長

騎追及之勝口我質 准王或告急勝募敢死少年十餘 拔破 胡 也賊 不敢逼勝 ~騎夜同

於雲中

說之曰懷

朔

被

風旦夕為

陷

大王令頻兵

隙

或坐削除官爵安北将軍隴西李叔仁又敗於白道 懷朔若陷則武川亦危賊之銳氣百倍雖有良平不 势日盛魏主引丞相令僕尚書侍中黃門於顧 狐所虜五月臨淮王或與破六韓拔陵戰於五原 出覘武川武川已陷勝馳運懷朔亦溃勝父子俱 為大王計矣或許為出師勝還復突圍而入釣復遣 之曰今冠連恒朔逼近金陵計将安出吏部尚書元 陽

修義請遣重臣督軍鎮恒朔以桿冠帝曰去歲阿那

通監犯事本末

二十六

崇口臣以六鎮遐僻密邇冠戎欲以慰悦彼心豈敢導 欲還遣崇行何如僕射蕭寶寅等皆曰如此實合厚望 叛亂遣李崇北征崇上表求改鎮為州朕以舊章難革 但既往難追聊復略論耳然崇貴戚重望器識英敏意 不從其請尋崇此表開鎮户非冀之心致有今日之患 賢材帝不許修義天賜之子也 恩改過之秋但臣年七十加之疲病不堪軍旅願更擇 之為亂臣罪當就死陛下赦之今更遣臣北行正是報

欽定四

庫全書

卷二十二上

嘉之子也 六月魏自破六韓拔陵之反二夏幽涼寇盗 崇罪彼不明之君鳥可與謀哉詩云聽言則對誦言如 命撫軍将軍崔退鎮軍将軍廣安王深皆受崇節度深 夏四月壬申加崇使持節開府儀同三司北討大都督 醉匪用其良覆俾我悖其是之謂矣 肅宗既不能用及亂生之日曾無愧謝之言乃更以為

蜂起秦州刺史李彦政刑殘虐在下皆怨是月城內薛

通鑑紀事本末

定日車全書 一人

臣光曰李崇之表乃所以銷禍於未前制勝於無形魏

州豪右 将赫連略行臺高元榮大提尋卒子念生自稱天子 之以城應大提大提遣其黨下胡襲高平克之殺鎮 大提自稱泰王魏遣雍州刺史元志討之初南泰 欲逃去未果城民張長命韓祖香孫掩等攻遊殺 收斬之由是所部莫不猜懼遊開李彦死自知不 引為主簿接以解色使說下奉氏既而因宴會 楊松柏兄弟數為冠盗刺史博陵崔遊誘之

珍等聚黨突入州門擒彦殺之推其黨莫析大提為

修義無尚書僕射為西道行臺師諸将討莫折念生 置百官改元天建 之相 簡 僕射李冲用事凉州士人悉免厮役帝鄉舊門 廢仕官乃更獨得復除當時人物听慕為之太和 崔進達李崇節度與破六韓拔陵戰于白道大敗 騎走還扶陵并力攻崇崇力戰不能禦引還雲中 親賢擁麾作鎮 持廣陽王深上言先朝都平城以北邊為重 配以高門子弟以死防遏非 秋七月甲寅魏遣吏部尚書元

ĸ

E

車台部一

通鑑紀事本末

三十八

者 師 歧邊兵之格鎮人不聽浮遊在外 防邊成自非得罪當世莫肯與之為 得 長者 無不切齒及阿 飲或諸方姦吏犯罪配過為之指 一益輕 候白直一生 上品通官在 不得遊官獨為匪人言之流涕自定鼎伊洛 唯底滯凡才乃 鎮 推遷不過軍主然 那壞背恩縱掠發幹命追之十 者即為清途所 出為鎮将 於是少年不 轉 其同 在本鎮 隔或多逃逸乃 蹤 政 相 族 ソス 模習專事 賄立邊 留 驅 得 使但 京 師

國尚書令臣崇求改鎮為州 雲中将士之情莫不解體今日所處非 髙關戊主御下失和拔陵殺之遂相 萬衆度沙漠不日而還邊人見此援師遂自意輕中 所 鎮尋亦如此天下之事何易可量書奏不省招 而在 過夷滅王師屢北城黨日盛此段之舉指望 **退隻輪不返臣崇與臣逡巡復路相與選次** 抑 亦先覺朝廷未許 即為亂攻城 止西 北将 掠 恐

崔退繁廷尉退以女妓

田園縣

元义卒得不

足口車全書一

通鑑犯事本末

= + 2

勇 丑 民慰諭之既而 二秦反者皆 級 益 爾 經 東益 行 9+] 折念生遣其都 卒無叛者子建蘭 陳 郎李笛上書曰凡食少 刺史魏子建遣将軍伊祥尋擊破之斬 撫之足 카 本氏王 其 以 漸 族 為 分 督 楊 類 請 其父 用 楊 根 紹 急之 先之國 之族 先收 伯年等攻仇楊河沌二戍 兄 其 子 兵精 則 兄 弟 将 器械子建曰 腹 也 利於速戰 背為患乃悉 佐皆以城民 外 戍)[] 諸 魏 郡 + 糧多 城 首 員 内 民 召 勁

有 يزك 師 無 輔 崩 難 有 德義其勢在 輕 潰 危 全 敵之心如今 不 相 裨 弱 制之策但天下久泰人不 夫殿至風舉逆者求萬一之功高壁深壘王 衠 國之右臂 帥 将 精兵數千出麥積 無 於疾攻日有降 **松法令士** 雕 於 東 不守汗 斯廢矣宜 非 教 約 習 崖以襲其後 軍 曉 勒勒 敗散 不 遅則人情 大 兵犇 思 長久之 将堅壁勿 則 利 兩 則 春 離 不 遂 計 汧 相 沮 待 殭 名

Į

通監犯事本末

泉事宜持久今職賊

猖

狂

非

有素蓄雖

據

两城

東 欽 将 魏 之下羣妖自散魏以苗為統軍與别将淳于誕俱出 實 定 主始思李崇及廣陽王深 兵下隴甲午 益隸於子建未至莫折念生遣其弟高陽王天生 保 四庫 歧州 有罪 吉 東西部 配 隸者皆免為民改 都督元志與戰於龍口志兵敗棄 較勒皆叛 Ki 之言两申下 魏 鎮 附 為 於 、破六韓 州 詔 以懷 諸 朔 拔 州 陵

慰六鎮時六鎮已盡叛道元不果行先是代

更 命

朔

州曰雲州遣魚黃門侍

郎

酈道元

為

軍實念祖擊破之 遣都督實雙攻魏盤頭郡東益州刺史魏子建遣将 督北海王顏即諸将討之顏詳之子也 琛遣其将宿勤明達冠幽夏北華二州壬午魏遣都 疾不能治軍壬申魏以尚書左僕射齊王蕭寶寅為 西道行臺大都督即諸将討莫折念生 用代来寒人為傳詔以慰脫之 戊戌莫折念生 九月魏西道行臺元修義得風 通濫紀事本夫 魏廣陽王 冬十月胡

人遷洛者多為選部所抑不得仕進及六鎮叛元义

擊之必無勝理不若選練精兵守恒州諸要更為後 쉾 之衝賊之咽喉若此地不全則并肆危矣當留 深上言今六鎮盡叛高車二部亦與之同以此疲兵 圖遂與李崇引兵選平城崇謂諸将曰雲中者白道 度拔文子及武川宇文肱糾合鄉里豪傑共襲衛 州十一月戊申陷之執都督元志及刺史裴芬之 孤殺之度拔尋與鐵勒戰 定四庫 之誰可者聚舉費穆崇乃請穆為朔州刺 全書 死 莫折天生進攻魏 史 賀

諭 胡 大夫薛盛於平凉東戀安都之孫也 袓 将 香 安後執刺史以應之 南 莫折念生殺之念生又使卜胡等冤涇州敗光禄 軍 請州皆受節度莫折念生遣兵攻涼州城民趙 迎 秦諸氏稍 魏以子建魚尚書為行臺刺史如故 胡 都督西道諸軍以討 琛 稍 十二月壬 降 附遂復六郡十二戌斬 辰 魏以京 莫折念生魏魏子建 兆王繼 高平人攻殺 梁巴二益 為 賊帥 太 招 師

通點紀事本未

1.10

趣之使 延 千西度黑水整陳向天生營寶寅軍於水東遥為繼 於水次寶寅望之失色延伯自為後殿不與之戰使 之 六年春正月莫折天生軍於黑水兵勢甚盛魏以收 州 延伯 伯 刺 衆 伯 史崔延伯為征西将軍西道都督即 直抵天生營下楊威脅之徐 少 戰延伯曰 與行臺蕭實軍手馬鬼延伯素縣勇實寅 開營爭逐之其衆多於延伯一倍麼延 明晨為公參賊勇怯乃選精兵數 引兵還天生見 聚五萬計 伯

む

定

四庫

全

書

如)癸亥延; 泉先渡部 伯 天生之衆 日此賊 伯勒兵出寶寅與軍 伍嚴整天生兵不敢擊須史渡畢延 非老奴敵也明公但安坐觀 亦引還寶寅喜曰崔 繼其後天生悉衆 ·君之勇 老奴 關 張 破

俘其民以為奴婢以美女十人賞岐州

刺火魏

直出に事人に

掠

天生遂塞雕道由是諸軍不能進寶寅破宛

伯

身先士卒陷其前鋒将士盡銳競進大破

十餘萬追舞至小雕岐

雍

及雕東皆平将士

月 死官軍之至宜谷 督 胡 乎悉求其父兄而歸之 涇 州 琛 楊 根解曰此縣介 據高平遣其大将万俟配奴宿勤明達等冠 鮮等攻仇池郡行臺魏子建擊破之 将軍盧祖遷伊甕生討之不克蕭寶寅崔 而 於 撫之奈何 殭 冠 二月壬辰莫折念生遣 不 能自立故附從以救 助 賊為產朝以為暖 夏 四

定

E

庫

全書

二針 十 x 二 : 上 z :

至降賊自西競下腹背擊之延伯上馬奮擊逐北徑 乞緩師實寅延伯未及閱視宿動明達引兵自東北 找其 營贼旨輕騎延伯軍雜步卒戰人疲乏賊乘 間得 **獨而超謂之排城置輜重於中戰士在外自安定北** 功遂唱議為先驅擊之别造大盾內為鎖柱使壮士 排城延伯遂大敗死傷近二萬人寶寅收衆退保 原北上将戰有賊數百騎訴持文書云是降簿且 輕騎挑戰大兵未交輕委走延伯特其勇且新有

更 出 事 木夫

安定 俄 去賊 來 項 兵 失 敗 平 延 者 者 延 太 其數 伯 七里結營壬辰不告實寅獨 往 將 伯 自 中流 后 往 朝 柵 問 泖 不 軍主賀拔勝募二百人 野為之憂恐 賊 其 矢卒士卒 之皆言賊 與 見軍 敗 夏六月 乃 繕 士 弱 於是 採 甲兵募驍勇復自 死 者萬 破六 掠 γZ 求 散 賊 悦 亂 韓 勢愈盛而 餘 出襲賊 開東門出戰 復選擊之魏 拔 媢 人時 由 陵 是 大冠未 圍 大破 安定 将即求 羣 魏 廣 臣 兵 自 西

五原

歃

定

四

庫

全書

流參軍于謹言於廣陽王深曰今冠盜遙起未易專 人貴穆 深 示恩信於是西部 力勝也謹請奉大王之威命 百餘 城南犇爾朱祭於秀容既而詣闕請罪詔原之長 許之謹魚通諸國語乃單 城 招 獨 級賊稍退深拔軍向朔州 存久之道路阻 撫 離散四面 鐵勒首長也列河等将三萬餘 拒 絶 敵 時北境 接 駶 諭 軍不至 諎 ソ 勝常為殿雲州 禍 叛 카님 胡營見其首長 福庶幾稍 一糧仗俱盡 鎮皆沒唯

拔陵大 欽 深從之拔陵果引兵邀擊也列河盡俘其衆伏兵發 易敵 勢甚盛聞也列河等来降必引 定四庫全書 敗復 也不若以也列河 降深欲引兵至折敷嶺迎之謹曰破六韓 (得也列 拔陵稍逼求援於廣陵王深 斬 其将孔雀等拔陵避柔然南 河之衆而選柔族頭 长通 餌之而伏兵以待之必可 兵邀之若先據險 深 兵可汗大 胪 徙 渡 衆 拔陵 破

後降附者二十萬人深與行臺元纂表乞於恒

禁安定彭樂皆從之洛周圍魏燕州刺史博陵在東九 詔黃門侍郎楊昱分處之於其定藏三州就食深謂篡 守險譚屯居庸關 月 曰此輩復為乞活矣 反於上谷改元真王攻沒郡縣高歡蔡雋尉景及段 别立郡縣安置降户隨宜眼春息其亂心魏朝不 元譚討之景爽之孫也自盧龍塞至軍都關皆置兵 **丙辰魏以幽州刺史常景魚尚書為行臺與幽州** 初敕 秋八月魏柔玄鎮民社洛周聚 勒酋長斛 律金事懷朔鎮将

通鑑紀事本末

四十八

瓜堆 雨 逺 春 合二萬洛 為軍主行兵用匈奴法望塵知馬步多少嗅地 近及破六韓 知 為 拔陵終 都 正月魏安州石 關以邀之仲哲戰沒元譚軍夜潰 杜 洛 都督仲哲東之子也 周 無所 周 自 所 拔 改陵反金 松 破 成乃詣雲州 離 脱 **岍赴之行臺常景使別将崔** 身 冗 旅衆 城 歸 科鹽三戊兵反應 兩朱紫榮以為 降 歸之拔陵署金為王 五原降户解于 仍 稍 引其衆南 魏 别 汉 杜洛

榮等擊之於栗園大破之斬曹紀真及将卒三千餘 真等将兵掠薊 泉 帥 八洪紫 斬 仁洛周 拒之洛周引還上谷 丁未都督李琚與洛周戰於薊城之北敗沒常景 南 南趣范陽景與榮等又破之 鮮于修禮請降于魏賊黨葛榮復殺洪業 北動掠薊城魏常景遣統軍梁仲禮擊 南 秋七月两午行臺常景遣都督 通點吧事本末 六月杜洛周遣都督王曹 月癸已

北鎮流民反於定州之左城改元魯興

夏四

其 自 度為涇州 凾 立 沱 於蕭寶寅寶寅使行臺左丞崔士和據泰 胡 折念生之黨也後更據顯 川王賀拔文與等捕虜四百人 月在七二 念生軍復據顯親乃叛琛東引魏軍念生宮 齊改元廣 月葛榮既得杜洛周之衆 琛以為大 刺史封平泰郡公大都督元脩義停軍 安 都督泰王資以士馬使擊念生 甲 中 魏行臺常景破 親以 柜念生已两 北趣瀛州自 天水民吕伯 人杜洛周 不 魏 稱 斬

范陽戊戌民執魏幽州刺史王延年行臺常景送洛周 高平誘琛斬之醜奴盡并其眾 冬十一月杜洛周 大通元年春正月魏分定相二州四郡置殷州以北道 折念生交通事破六韓拔陵浸慢拔陵遣其臣費律至 度為万俟醜奴所殺賊勢益盛寶寅不能制胡琛與莫 2

口久不進念生復反執士和送胡琛於道殺之久之伯

行臺博陵崔楷為刺史楷表稱州今新立尺刃斗糧皆

欠己り

þ.

Ar day

通鑑紀事本末

衣 所未有乞資以兵糧 弱 無守禦之具指撫勉将士以拒之莫不争奮皆曰雀 叛志辛未城陷档執節不屈榮殺之遂圍冀州 單騎之官楷曰吾聞食人之禄者憂人之憂若吾 吾心不固 ,不惜百口吾屬何愛一身連戰不息死者相 将士誰肯用志哉遂舉家之官為榮逼州城或勸 小以避之档遣幼子及一女夜出既而悔之曰人 四月五十二 虧忠而全爱也遂命追還賊至殭弱相懸 詔付外量聞竟無所給或勸档留 枕 獨

守 JŁ 城 亦 廵 J+\ 關 地功曹毛鴻廣 败 降 浟 州 寶寅出兵界年将士疲弊泰賊擊之寶寅大敗於 中 賊 刺 散 加 賊莫折念生進逼岐州 椿 大擾雍 史畢祖 帥 兵萬餘人也逍遥園東秦州刺史潘義淵 侍中無尚書右 鈅 引 暉 116 袓 31 據 刺史楊椿募兵得七千餘人 戰沒行臺羊深棄城 賊 北華州叱干 前出いるとこ 抄 僕 掠 渭 射為行臺節度關 城人執刺史魏蘭 北雍 麒 44 麟 摅 録事參軍 走 北海王颢 幽 一州以應 帥 根應之 西 諸 バス 搄

将 侃 쉾 獨寅寅部 祉之子也 兵三十掩擊之鴻賓懼請討賊自效遂擒送宿勒 仁鳥過仁者明達之兄子也莫折天生乘勝冠雅 定四庫全書 | 将羊侃隱身輕中射之應弦 魏 右民郎 陽平路思令上 历 疏 斃其衆遂清 ソ 為師 烏

方為戰 功在於将 眉攘腕以攻戰 地竊以比年 師 得 其人則六合唾掌可清 将即多龍貴子孫 自 許 及臨大敵憂怖交懷

街

林雅

馬

雄

失其人則

有

逸

圖

銳氣一朝

頓盡乃令贏弱在前以當冠殭壮居後

将 疑賞賽之輕日散金帛帑藏空竭民財彈盡遂使賊 之屬欲其不敗豈可得哉是以兵知必敗始集而先逃 焼以 甚生民彫弊凡以此也夫德可感義夫恩可勸死士 身無復器械不精進止無節以當負險之衆敵數 即畏敵遷延而不進國家調官爵未滿屢加寵命 無時 福福 幽明賞罰善惡簡練士卒繕修器械先遣 如其不俊以順討逆如此 則 何異碼蕭

定日車

全营 人

通鑑紀事本末

朝菌鼓洪爐而燎毛髮哉弗

聴

二月

秦城據

椿謂之曰當今雅州刺史亦無踰寶寅者但其上佐 圍 諸軍事征西将軍雅州刺史開府儀同三司西討大 替自關以西皆受節度椿還鄉里其子呈将適洛陽 復得潼關戊辰的回駕北討其實皆不行 信 刺史楊椿有疾求解復以實寅為都督雍淫等四 都魏以金紫光禄大夫源子邑為北討大都督 三月甲子魏主部将西討中外戒嚴會奏賊西 魏蕭寶寅之敗也有司處以死刑詔免為庶人 葛榮

葛榮 八月魏遣都督源子邕李神軌裴行攻郭子邕 督装行共救信都鑒幸魏多故陰有異志遂據郭叛降 燃 此意放魏主并白宰輔更遣長史司馬防城都督欲安 於賞罰云為不依常憲恐有異心汝令赴京師當以吾 后皆不聽 失也且寶寅不藉刺史為祭吾觀其得州喜悦特甚至 廷應遣心督重人何得任其牒用此乃聖朝百慮之一 中正須三人耳如不遣必成深憂呈面啟魏主及太 秋七月魏相州刺史樂安王鑒與北道都

於 是日東 至 是

通鑑紀事本末

兵不還此罪将大寶寅不從自念出師累年糜費不貲 其舊封 乘勝進圍郭城丁未拔之斬鑒傳首洛陽改姓拓跋氏 日不若留屬中立功自效行臺都令史河問馬景曰擁 行及湯陰樂安王鑒遣弟斌之夜襲子邕管不克子邕 因遣子邕裴行討葛榮 念生闔門皆盡祭自行州事南秦州城民辛琛亦自 州事遣使請蕭寶寅請降魏復以寶寅為尚書令還 蕭寶寅之敗於涇州也或勸之歸罪洛陽或 老二 十二上 九月秦州城民杜粲殺莫

青 之謂為 時寶寅反狀已露悦乃奏以道元為關右大使寶寅聞 猛 旦覆敗內不自安魏朝亦疑之中尉雕道元素名 悦請之於胡太后太后敕赦之道元殺之并以劾 允人望且謠言鸞生十子九子毈卵一子不 州牧汝南王悦嬖人丘念弄權縱恣道元收念付 取已甚懼長安輕薄子弟復動使舉兵寶寅以 柳档档曰大王齊明帝子天下所屬今日之舉 毈

飮

定日車全書

通鑑紀事本末

亂者治也大王當治關中何

所疑道元至陰盤驛

我百口令屠滅云何不哭哭數十聲徐謂儉曰為我白 湛曰元略受蕭衍古欲見勘除道元之来事不可則吾不 蘇港即病在家寶寅令港從母弟開府屬天水姜儉說 齊王王本以窮鳥投人賴朝廷假王羽翼榮罷至此屬 寶寅遣其将郭子恢攻殺之次殯其尸表言白賊所害 又上表自理稱為楊椿父子所潛寶寅行臺郎中武功 坐受死亡今須為身計不復作魏臣矣死生崇辱與 共之湛聞之舉聲大哭儉遽止之曰何得便爾湛曰

見先人寶寅素重湛且知其不為已用聽還武功冬 湛恐荆棘必生於齊 下奇才與之從事今但與長安博徒謀之此有成理 改 且王之恩義未治於民但見其敗未見有成蘇湛 以不先相白者恐沮吾計耳港曰凡謀大事當得 以百口為王族滅寶寅復使謂曰我救死不得不爾 割 願 賜骸骨還鄉里庶得病死

定四車全書一人

通結紀事本末

五十三

國步多虞不能竭忠報德乃欲乘人間隙信感行路

之語

欲以羸敗之兵守關問

鼎令魏德雖衰天命未

山至河橋為人所獲魏主知其不預謀釋而慰之行臺 寶寅使在洛陽有司 狽 月 而 方 長史毛遐鴻實之兄也與鴻廣即氏是起兵於馬 甲寅寶寅自稱齊帝改元隆緒 歸以姜 拒 祀 南 寶寅寶電遣大将軍盧祖遷擊之為退所殺寶 禄敷丹陽王蕭赞聞寶寅反懼而出走趣白 郊 儉為尚書左昼委以心腹文安周恵達為 行 即 位禮未畢 欲收之恵達逃歸長安寶寅以恵 聞 敗色變不暇整 赦其所部置百官 部 伍 鹿 都

守 圍 及宗人薛修義亦聚眾河東分據鹽 尚書僕射長孫 魏 者什六七字兄祐 信 儲 以應實寅部 都 既 伯等與關中豪傑謀舉兵誅寶寅事泄而死 竭外無救援已丑城陷禁 自春及冬冀州刺史元字師 都督宗正珍孫 椎為行臺以討質寅正平民薛鳳賢 為防城 都 督祭大集将士議 討之 執字逐出居民凍 池攻圍浦坂東 勵将士晝夜拒 十一月葛榮

死字兄弟各自引各爭相為

都

替潘紹

等數百人皆

定四車全書

通盤紀事本末 死 之卒不能克 恒農李神志氣自若無勉将士大小致力葛榮盡鋭攻 相 至陽平東北漳水曲柴帥東十萬擊之子邑行俱敗死 討崇裝行表請同行詔許之子邕上言行行臣請留臣 禁者五百人皆得免魏以源子岂為其州刺史将兵 州吏民聞冀州已陷子邕等敗人不自保相州刺史 請就法以活使君祭曰此皆魏之忠臣義士於是 留行若逼使同行敗在旦夕不許十二月戊申行

不能克津潛使人以鐵券說賊黨賊黨有應津者遗津 ,年春正月魏北道行臺楊津守定州城居鮮于修禮 使固守三年杜洛周圍之魏不能救津遣其子追 然必為患津悉收此人內子城中而不殺聚無不 白賊所以圍城正為取北人耳城中北人宜盡殺 洛周之間选来攻圍津蓋新糧治器械隨機拒擊 出話柔然頭兵可汗求教通日夜泣請頭兵遣其從 仁及葛紫代修禮 統衆使人說 津 許以為司徒津

定四車全書

通鑑紀事本末

五十五

遂 長 然遂還已丑津長史李裔引 袓 吐豆發帥 施 超 決 地 稚 116 其 據潼 則華 軍至恒農行臺左丞楊 者 刺史元寧以城降 八智男不 扼 濕 其險要故也令城守禦已固 州之圍不戰自 精 騎 相 拒 如 一萬南 11 逐超之才非 取 蒲 洛 出前鋒至廣昌賊塞隘口柔 坂 周 解潼關之守公内 賊入執津 渡 侃 魏武 蕭寶寅圍 謂 河 稚 而西入其腹 敵 曰昔魏 欲烹之既 雖 也然而勝 馮 魏武復生 武與 顄 홰 未 而 心置 顸 負 捨

邑宗正珍孫守虞坂不得進如何可往侃曰珍孫行 母妻子皆留舊村一旦聞官軍來至皆有內顧之心必 夫因縁為将可為人使安能使人河東治在 風 曰子之計則善矣然今薛修義圍河東薛鳳賢據 自潰矣雅乃使其子彦與侃 錐壁侃聲言今且停此以待步兵且觀民情向背 既 封疆多在郡東修義驅師士民西圍郡城其父 解長安可坐取也若愚計可取願為明公前 帥 騎兵自恒農北 浦 坂西

定四車全書

通鑑紀事本末

遍 其将候終德擊毛遐會郭子恢等屢為魏軍所敗終德 鳳賢俱請降丙子稚克潼關遂入河東 民轉相告語雖實未降者亦詐舉烽一宿之間火光 無應烽者乃賊黨也當進擊屠之以所獲賞軍於是 送降名者各自還村任臺軍舉三峰當亦舉烽相應 其勢挫還軍襲實寅至白門實寅始覺丁丑與終 數百里賊圍城者不測其故各自散歸修義亦逃還 敗攜其妻南陽公主及其少子師麾下百餘騎自後 蕭實寅遣

騎 其僕 簿河間 自 史薛慶之居民死者什八九 洛周 稱漢王改元天統戊中魏以征東将軍李叔仁為車 大将軍儀同三司帥聚討之车亥魏主部曰朕當親 北道諸軍事即宗正珍孫等討之前幽州平北府 射任褒将兵南掠至心水魏以元天移為大都 那果即河北流民十萬餘户反於青州之北海 殺之併其衆 三月癸未為禁陷魏滄州執 夏六月葛祭軍乏食遣

出犇万俟醜

奴醜奴以寶寅為太傅

二月葛榮與

芪

定四事全書一人

通鑑紀事本末

五十七

為前軍司徒楊 静蘇代以大将軍爾朱榮為左軍上黨王天 椿 為右軍司空穆 縚 為後軍葛榮

斯

國

獻獅子於魏熙奴留之改元神

獸

八月葛榮

相

州之北

秋

七月万俟醜

奴自

稱天子置百官會

皆有副倍道無行東出滏口以侯景為前驅為祭為

求討之九月爾朱榮召從子肆

州

刺史天光留鎮晉

所至殘掠爾朱榮

圍都衆號百萬遊兵已過沒郡

曰我身不得至處非汝無以稱我心自即

精騎七十

盗 令嚴明戰士同奮商朱榮身自陷陣出於賊後表裏合 刀不如棒 榮潛軍山谷為奇兵分督将已上三人為一處處有數 百 理葛榮聞之喜見於色令其眾曰此易與耳諸人俱 騎令所在楊塵鼓課使賊不測多少又以人馬逼戰 絕至則縛取自點以北列陳數十里箕張而進爾 逐不聽斬級以棒棒之而已分命 日久横行河北爾未榮眾寡非敵議者調無取勝 勒軍士齊 袖棒一枚置於馬側至戰時處 壮勇所向衝突號

巴日南台馬一

通鑑紀事本末

五十八

割 軍於朝 居 車送為榮赴洛其定滄藏殷五州皆平時上黨王天 渠即量才授任新 恐其疑懼或更結聚乃下令各從所樂親屬相隨任 大破之於陳擒葛榮餘衆悉降以賊徒既衆若即 出百里之外乃始分道押領随便安置咸得其宜推 止於是產情大喜衆即四散數十萬衆一朝散盡 乙亥魏大赦改元永安 歌之南穆紹 附者咸安時人服其處分機速以 楊椿猶未發而為祭已滅乃皆 辛已以爾朱紫為

被 爾 為 丞 樓 斬 月 大通元年三 其患爾朱紫以無軍将軍賀 朱榮使大 司 於 相 辛 勝威 都 徒 都 哲 五破 市 名 冬十月丁亥葛榮至洛魏主御 河 都 邢 不 十二月葛榮餘黨韓 北畿外諸軍事以楊 督火山侯 月 果於濟南果 敢 壬戌 南 出 魏 淵 **韶上黨王天穆** 降送 討 韓 拔勝為大都督鎮中 洛 椿為太保城陽王 樓 樓 陽 於薊 復據幽 斬 討 配卒 閶 44 那 闔 秋几 反北邊 甚少 果 夏

E

e

5

į.

通縊紀事本末

五九

賊 址 離 軍 大衆未必能 何 五 7 群多段 為 的 七百或以為言祭曰 陳 餘人尋還其馬 之乃可克也淵 1 資遣之淵 周 4 馬步萬 果疑降卒為淵内應遂走追擒之幽州平 供 具 用 親師 今以 曰 餘 我 仗 度其已至遂師 數 此 淵 兵 聚擊此 縱 侯 潛 百 令入城 伏以乘 騎 既 淵 少 深 觞 不 賊 機 入樓 ·可力戰 左 其背大破之房其 少 設變是其所長若 騎夜進珠旦叩 右 境去薊百餘里 能取之淵遂廣 諫 司 須 為奇計 既 獲 城 衆 總 其

軍 深 二年 尚書左僕 又為 與 為平州刺史鎮范陽先是魏使征東将軍劉靈助無 刺史髙子朗 侯 幽平營安四州行臺 拔岳討之岳私謂其兄勝曰 春 正月万俟醌 淵 共減韓樓 、射慰勞幽州流民於濮陽頓丘因即 奴侵擾關中 仍以靈助 万俟醌 行 醜 魏爾未祭遣武衛将 幽 44 奴 奴 事加車 攻魏東秦州 勍 敵也令攻之 騎将 流 民 JŁ

欴

E 9

車

全書!

通鑑犯事本末

勝固有罪勝之讒嫉将生勝曰然則

奈何岳曰

願

六十

天光為 斷 爾 軍 悦 111 為 刺 士千人發 朱氏一人為 闗 右 史 何 詔 大 使 侍中 以戰天光曰今日之事一以 天 γZ 都 岳 持 光不 棔 洛 為 節 楊 陽 帥 都 站為 敢進 左 侃 枥 大 督二雅二岐 先 パス 天光之副)岳曰蜀 西 都 佐 行慰諭并 之勝為之言於榮 路 棔 又以 次 民馬 **賊鼠竊公尚遲** 諸 征 ΥZ 稅其馬賊持 軍 西 ソス 討 給之時 将 事驃 相委岳遂進擊城 之天 軍 光 騎 祭悦以爾 笩 大将軍 疑 赤 初 郡 疑 若遇 侯莫 不下 水 行 唯 薱 朱 軍 賊 配

與菩薩隔水而語 挑 之 劉貴乘驛至軍中責天光杖之一百以軍士二千人 三月 千騎 之菩薩師步騎二萬至渭北岳以 合萬餘匹以軍士尚少淹留未進榮怒遣騎兵參軍 万俟仵自武功南渡渭攻圍 我之菩薩等已拔柵而還岳故殺 醧 奴自将其衆圍岐 稱 楊國威菩薩令省事傳語岳怒曰 州遣其大行臺尉遲菩薩 趣 輕騎數十自渭 栅 天光使賀拔 掠其吏民以 岳

欴

定日車全吉

通鑑紀事本末

六土

於渭北破之獲馬二千匹簡其壮健以充軍士又稅民

與賊語稍引而東至水淺可涉之處岳即馳馬東出賊 以為走乃棄步兵輕騎南渡渭追岳岳依横岡設伏兵 仍渡渭北降步卒萬餘並收其輜重醜奴聞之棄岐州 走安定置柵於平亭天光方自雍至岐與岳合夏四 待之賊半度岡東岳還兵擊之賊敗走岳下令賊下 天光至汗渭之間停軍牧馬宣言天時将熱未可行 與菩薩語卿何人也射殺之明日復引百餘騎隔水 者勿殺賊悉投馬俄獲二千人馬亦無遗遂擒菩薩

賊 立 密嚴諸軍 一皆縱遣 柵 涇 泉 天光遣賀拔岳輕騎追之丁卯 其餘千人巳下為 Jr1 耕 秋凉更圖進止獲醜奴覘候者縱遣之醜奴信 刺 於 史侯幾長貴以城 諸 柏 細 栅 緇錢 川使其 俱發 聞之皆降 太尉 黎 明圍元進 柵 者甚眾天光知其勢分 天光晝夜徑進 侯 賊中 降 伏侯元進将兵五千據 醧 大 及 奴棄平亭走欲 於平涼城未成 柵 上生擒 拔之所 抵安定城 得俘 晡 趣 髙

囚

直

代

郡

侯莫陳崇單騎入

於馬

醧

奴

欽

定 問

E

庫

全書

通鑑紀事本

木

六土

與蕭實寅周款並居得言之地必能全之且二人謂 自 之天光進逼高平城中執送蕭寶寅以降 大呼眾皆披靡無敢當者後騎益集賊眾崩潰遂大破 中平大赦万俟醜奴蕭寶寅至洛陽置間闔門外 外至帝問道習在外所聞對曰唯聞李尚書高黃門 之言於魏主曰寶寅叛逆事在前朝會應詔王道習 部尚書李神雋黃門侍郎髙道穆素與質寅善欲左 之中士女聚觀凡三日丹陽王蕭替表請實寅之命 甲戌魏以

潛 軍 皆 里遣都督長孫 不 欴 定日車至馬 赴之道洛出戰而敗即 與城民通謀掩襲邪利并其所部皆殺之天光師 降時高平大旱爾朱天光以馬乏草退屯城東五十 降於魏唯所署行臺万俟道洛即衆六千逃入山中 邪 利即二百人行原州事以鎮之道 醜奴既敗自涇 通鑑紀事本末 其眾西入牵屯山據險 極バ 西至靈州城黨 六生 自 守 洛

市

夏六月万俟

不前法欲安施帝乃賜寶寅死於馳牛署斬

醜 奴於

都

叛逆在前朝寶寅為醜奴太傅豈非陛下時邪賊

擊道洛於牽屯道洛敗走入隴歸略陽賊即王慶雲道 洛城置百官以道洛為大将軍秋七月天光師諸軍入 洛曉果絕偷慶雲得之甚喜謂大事可濟遂稱帝於水 詔書點天光為撫軍将軍雅州刺史降爵為侯天光追 爾朱榮以天光失邪利不獲道洛復遣使杖之一百以 至水洛城慶雲道洛出戰天光射道洛中臂失弓還 拔其東城賊併兵趣西城城中無水衆渴之有降 者

言慶雲道洛欲突走天光恐失之乃遣人招諭慶雲使

雲等其得小緩因待夜突出乃報曰請 窮窘乞降两子天光悉及其仗而院之死者萬七十 走心天光密使軍士多作木槍各長七尺昏後統城 列要路加厚又伏人槍中備其 北其夜慶雲道洛果馳馬突出遇槍馬各傷倒 即時擒之軍士緣梯入城餘眾皆出城南遇棺 日知須水今相為小退 化取潤 衝突無令密縛長梯 水 飲之賊衆悅無 俟明日天光因

通鑑紀事本末

六十四

早降曰若未能自決當聽諸人今夜共議明晨早報

略陽記復天光官爵尋加侍中儀同三司以賀拔岳為 人分其家口於是三秦河渭瓜凉部州皆降天光頻軍 以功遷征西将軍行原州事時關龍彫弊泰撫以恩信 民皆感悦曰早遇宇文使君吾輩豈從亂乎 通鑑紀事本末卷二十二上 人光遣兵討平之步兵校尉宇文泰從賀拔岳入關 南秦州城民謀殺刺史辛顯超顯皆覺之走歸天 刺史侯莫陳悦為渭州刺史泰州城民謀殺刺史

四月ろ

腾録監生 臣蒋子林仪對官檢討臣王鍾健総校官無吉王臣張能照